

Convenio entre a Consellería de Cultura, Educación e Ordenación Universitaria e varias empresas, para a implantación dun sistema de formación profesional dual polo réxime de bolsas.

Santiago de Compostela, 26 de xullo de dous mil dezaseis

REUNIDOS

Dunha parte, don Román Rodríguez González, conselleiro de Cultura, Educación e Ordenación Universitaria da Xunta de Galicia, en representación desta consellería e de conformidade coas atribucións conferidas no artigo 34.1 da Lei 1/1983, do 22 de febreiro, reguladora da Xunta e da súa Presidencia.

Doutra parte, don _____, en representación da compañía mercantil “Construcciones Tellao, SL”, como administrador solidario desta, segundo consta no poder outorgado ante o notario don _____, con data 3 de marzo de 1998 e número de protocolo 934.

Don _____, en representación da empresa “Manuel Santos Gómez”, cuxa titularidade ostenta.

Don _____, administrador único da sociedade “Obras y reformas Construmen, SL”, en representación desta, segundo consta no poder outorgado ante o notario don _____, con data 16 de marzo de 2000 e número de protocolo 654.

Dona _____, administradora única da entidade “Obras y reformas Lugo, SL”, en representación desta, segundo consta no poder outorgado ante o notario don _____, con data 4 de xuño de 2008 e número de protocolo 1741.

Don _____, en nome e representación da compañía mercantil denominada “Odegal, SL”, como administrador único, segundo consta no poder outorgado ante o notario don _____, con data 26 de decembro de 2005 e número de protocolo 5131.

Don _____, administrador da sociedade “Oltaya Lugo, SL”, en representación desta, segundo consta no poder outorgado ante o notario don _____, con data 23 de xuño de 2002 e número de protocolo 2276.

Don _____, administrador único da empresa, cuxa titularidade ostenta.

Don _____, administrador único da empresa, cuxa titularidade ostenta.

Don _____, administrador único da comunidade de bens sen personalidade xurídica “Reforma Noroeste CB”, en representación desta, segundo consta no documento asinado o 27 de setembro de 2012.

Dona _____, administradora única da sociedade “Reformas y Sistemas de Galicia, SL”, en representación desta, segundo consta no poder outorgado ante o notario don _____, con data 30 de decembro de 2013 e número de protocolo 3301.

Don _____, administrador único da empresa, cuxa titularidade ostenta.

E don _____, en nome e representación da entidade “Unkia, SL”, como administrador desta, segundo consta no poder outorgado ante o notario don _____, con data 3 de decembro de 2013 e número de protocolo 2841.

Interveñen en función dos seus respectivos cargos e, no exercicio das facultades que para convir, en nome das entidades que representan, teñen conferidas,

EXPOÑEN

1º. Que a Lei orgánica 2/2006, do 3 de maio, de educación, determina no artigo 39 que a formación profesional no sistema educativo ten por finalidade preparar o alumnado para a actividade nun campo profesional e facilitar a súa adaptación ás modificacións laborais que se poden producir ao longo da súa vida, contribuír ao seu desenvolvemento persoal e ao exercicio dunha cidadanía

democrática, e permitir a súa progresión no sistema educativo e no sistema de formación profesional para o emprego, así como a aprendizaxe ao longo da vida.

2º. Que a Lei orgánica 2/2006, do 3 de maio, de educación, determina no artigo 42 bis que a formación profesional dual do sistema educativo español é o conxunto de accións e iniciativas formativas que, en corresponsabilidade coas empresas, teñen por obxecto a cualificación profesional das persoas, harmonizando os procesos de ensino e aprendizaxe entre os centros educativos e os centros de traballo.

3º. Que a Lei orgánica 5/2002, do 19 de xuño, das cualificacións e da formación profesional, especifica nos artigos 6 e 11.3 que a colaboración das empresas no desenvolvemento do Sistema Nacional de Cualificacións e Formación Profesional se desenvolverá, entre outros ámbitos, mediante a súa participación na formación do alumnado nos centros de traballo, favorecendo a realización de prácticas profesionais dos alumnos e das alumnas nas empresas e noutras entidades, e deberán establecerse os mecanismos axeitados para que a formación que reciba financiamento público poida ofrecerse por centros ou directamente polas empresas, mediante concertos, convenios, subvencións ou outros procedementos.

4º. Que a disposición adicional segunda do Decreto 114/2010, do 1 de xullo, polo que se establece a ordenación xeral da formación profesional do sistema educativo, determina que a consellería con competencias en materia de educación promoverá a colaboración coas empresas e entidades empresariais e, en particular, coas máis implicadas en sectores clave da economía galega e as relacionadas cos sectores emerxentes. Esta colaboración ten como finalidade, entre outras, a posibilidade de impartir módulos profesionais incluídos en títulos de formación profesional nas instalacións das empresas, co fin de garantir que a formación se realice cos equipamentos máis actuais, así como a actualización profesional. Esta colaboración formalizarase mediante convenio.

5º. Que o Real decreto 1529/2012, do 8 de novembro, polo que se desenvolve o contrato para a formación e a aprendizaxe e se establecen as bases da formación profesional dual, pretende crear as bases para a implantación progresiva da formación profesional dual en España, entendida como o conxunto de accións e iniciativas formativas que teñen por obxecto a cualificación profesional das persoas, combinando os procesos de ensino e aprendizaxe na empresa e no centro de formación, propiciando unha participación máis activa da empresa no propio proceso formativo do alumnado e,

daquela, permitir que estas coñezan de xeito máis próximo a formación que reciben, cada vez máis adaptada ás demandas dos sectores produtivos e ás necesidades específicas das empresas. Neste sentido, a empresa e o centro de formación profesional estreitan os seus vínculos, unen esforzos e favorecen unha maior inserción do alumnado no mundo laboral durante o período de formación.

Así mesmo, establece que terán a consideración de formación profesional dual os proxectos desenvolvidos no ámbito do sistema educativo, coa coparticipación dos centros educativos e das empresas, cando non medie un contrato para a formación e a aprendizaxe. Estes proxectos formalizaranse a través dun convenio entre a Consellería de Cultura, Educación e Ordenación Universitaria e a empresa colaboradora.

6º. Que as empresas e sociedades “Construcciones Tellao, SL”, “Manuel Santos Gómez”, “Obras y reformas Construmen, SL”, “Obras y reformas Lugo, SL”, “Odegal, SL”, “Oltaya Lugo, SL”, “Óscar Piñeiro López”, “José Antonio Rodríguez Cabanas”, “Reforma Noroeste CB”, “Reformas y Sistemas de Galicia, SL”, “Rubén López Barreiro” e “Unkia, SL”, en adiante “as empresas asinantes”, están dispostas a participar no proxecto de implantación da formación profesional dual en Galicia, acolléndose á modalidade regulada no artigo 3.1, alínea b), do Real decreto 1529/2012, na que as empresas facilitan aos centros de formación os espazos, as instalacións ou as persoas expertas para impartir total ou parcialmente determinados módulos profesionais ou módulos formativos.

O alumnado participante será beneficiario de bolsas, non terá en ningún caso vinculación laboral coas entidades asinantes e non poderá establecerse entre estas e aquel ningunha relación contractual, nin sequera baixo as modalidades de contrato en prácticas ou para a formación e a aprendizaxe, previsto no artigo 11 do Real decreto legislativo 2/2015, do 23 de outubro, polo que se aproba o texto refundido da Lei do estatuto dos traballadores, polo que o alumnado acollido a este réxime de bolsas queda absolutamente excluído da lexislación laboral.

7º. Que o obxecto do presente convenio é establecer as condicións de colaboración entre as empresas asinantes para a implantación dun proxecto experimental de formación profesional dual na Comunidade Autónoma de Galicia. Esta formación profesional dual combinará os procesos de ensino e aprendizaxe nas instalacións das empresas asinantes e no centro educativo CIFP Politécnico de Lugo.

En consecuencia, estes organismos acordan subscribir este convenio, con base nas seguintes,

CLÁUSULAS

Primeira. Este proxecto de formación profesional dual ten carácter experimental e ten as seguintes características:

- a. Toma como referencia un currículo oficial implantado na comunidade autónoma de Galicia, neste caso concreto o establecido no Decreto 124/2013, do 11 de xullo, polo que se establece o currículo do ciclo formativo de grao medio correspondente ao título de técnico en Construción.
- b. Terá como duración desde outubro de 2016 ata setembro de 2019.
- c. A formación impartirase de xeito compartido entre o centro educativo e as empresas asinantes, garantindo a adquisición dos resultados de aprendizaxe establecidos no currículo do ciclo formativo de Construción e a obtención do título correspondente.
- d. Ademais, atendendo ás características das empresas, o primeiro ano de vixencia deste proxecto dedicarse un 10 % do tempo de estadía do alumnado na empresa a formación complementaria á establecida nos currículos dos ciclos formativos correspondentes, para reforzar a formación do alumnado e mellorar a súa empregabilidade. No segundo ano, esta porcentaxe será do 5 %.

Segunda. As concrecións deste proxecto experimental de formación profesional dual para o ciclo formativo de Construción (distribución da formación curricular do ciclo formativo, distribución global do proxecto, temporalización dos módulos profesionais) están recollidas no anexo deste convenio.

Terceira. As empresas asinantes comprométense a acoller nas súas instalacións un mínimo de 12 alumnos e alumnas para este proxecto experimental de formación profesional dual, coa distribución de prazas do anexo. Este alumnado deberá cumprir os requisitos de admisión establecidos na orde da Consellería de Cultura, Educación e Ordenación Universitaria que autorice este proxecto experimental de formación profesional dual.

As empresas asinantes colaborarán coa Consellería de Cultura, Educación e Ordenación Universitaria na selección do alumnado solicitante que cumpra os requisitos de admisión. Para tal fin, poderán realizarse entrevistas psicoprofesionais e probas de coñecementos que permitan

identificar a idoneidade dos/das candidatos/as en relación co perfil profesional que adquirirá o alumnado na empresa ao longo do proxecto. As empresas comunicarán ao alumnado os criterios e os procedementos utilizados na selección con anterioridade á súa realización.

Estas actuacións serán realizadas por persoal das empresas xunto cunha persoa representante do centro educativo, de xeito que a selección garanta cubrir o número mínimo de prazas que a empresa se compromete a acoller nas súas instalacións.

Cuarta. As empresas asinantes comprométense a financiar o proxecto de formación regulado neste convenio, mediante o establecemento dun sistema de bolsas dirixido ao alumnado participante.

Este réxime de bolsas estará suxeito ás seguintes especificidades:

- a. As empresas asinantes achegarán a cada alumno ou alumna do proxecto, en períodos mensuais con carácter irrevogable, unha bolsa por un importe mínimo de 550 euros, durante os meses nos que a actividade formativa e profesionalizadora se realice integramente na empresa. Tomando como referencia este importe, o resto dos meses o importe calcularase de forma proporcional ao tempo que o alumno ou a alumna dediquen á actividade profesionalizadora na empresa.
- b. Os alumnos e as alumnas participantes no proxecto de formación obxecto deste convenio serán incorporados ao réxime xeral da Seguridade Social. A conseguinte afiliación e/ou alta, así como a baixa no devandito réxime, produciranse a partir da data de inicio e na de cesamento do programa de formación, nos termos, nos prazos e cos efectos establecidos no regulamento xeral sobre inscrición de empresas e afiliación, altas, baixas e variacións de datos de traballadores na Seguridade Social, aprobado polo Real decreto 84/1996, do 26 de xaneiro.
- c. Para a efectividade do réxime de bolsas, as empresas colaboradoras e as persoas bolseiras deberán cumprir sempre os requisitos establecidos na normativa que regula os proxectos de formación profesional dual e neste convenio.

Quinta. O alumnado adquirirá formación no centro educativo durante o primeiro trimestre de cada un dos cursos de duración do proxecto formativo, no horario lectivo que se estableza.

Sexta. A estadía do alumnado na empresa estenderase de xaneiro a setembro de cada un dos tres cursos de duración do proxecto, que rematará en setembro de 2019. Durante o período formativo na empresa, o horario da actividade formativa e profesionalizadora deberá desenvolverse dentro do

marco temporal do horario laboral da empresa, reservándose ata un máximo de catro horas cada quincena para a recepción do alumnado no centro educativo por parte do titor ou da titora, na que se realizarán actividades de seguimento, asesoramento e apoio.

Sétima. O alumnado deste proxecto disporá dun mínimo de trinta días naturais de vacacións en cada un dos cursos de duración do proxecto. Para estes efectos computaranse, por unha parte, as vacacións escolares, establecidas para cada curso no correspondente calendario escolar, das que o alumnado se beneficie durante a súa estadía no centro educativo, e, por outra parte, os días restantes ata completar, cando menos, o mínimo establecido, que determinará a empresa no período de estadía do alumnado na empresa.

Oitava. Consonte o artigo 30.5 do Real decreto 1592/2012, do 8 de novembro, a actividade formativa na empresa e no centro educativo coordinarase mediante reunións mensuais de control nas que se fará seguimento do alumnado.

Cada unha das empresas participantes nomeará unha persoa como titor ou titora do alumno ou da alumna, que será responsable do seguimento da actividade formativa, da coordinación da actividade profesionalizadora coa actividade formativa e da comunicación co centro de formación.

Así mesmo, o centro formativo designará un profesor ou unha profesora, ou formador ou unha formadora, como titor ou titora responsables da programación e do seguimento da formación, así como da coordinación da avaliación co profesorado e/ou os titores e as titoras que interveñen. Ademais, esta persoa será a interlocutora coa empresa para o desenvolvemento do proxecto.

Novena. Establecerase unha comisión de seguimento, control e supervisión, que se reunirá cando o considere oportuno calquera das partes asinantes. Esta comisión estará constituída polos seguintes membros:

En representación da Consellería de Cultura, Educación e Ordenación Universitaria:

- A persoa titular da subdirección xeral de formación profesional ou persoa en quen delegue.
- A persoa titular da dirección do CIFP Politécnico de Lugo.
- O profesor titor ou a profesora titora do centro educativo.

Dúas persoas representantes das empresas asinantes.

Un funcionario ou unha funcionaria da Consellería de Cultura, Educación e Ordenación Universitaria actuará como secretario ou secretaria.

Décima. O convenio entrará en vigor na data da súa sinatura e terá vixencia ata a finalización do proxecto.

Décimo primeira. Este convenio extinguirase pola finalización do tempo convindo e poderase resolver por calquera das partes, mediante denuncia dalgunha delas, que se lle deberá comunicar á outra cunha antelación mínima de quince días, baseada nalgunha das seguintes causas:

- a. Cesamento das actividades do centro docente ou da empresa.
- b. Forza maior que imposibilite o desenvolvemento das actividades programadas.
- c. Incumprimento das cláusulas establecidas neste convenio.
- d. Mutuo acordo entre o centro docente e a empresa.

Décimo segunda. A sinatura deste convenio suporá o consentimento expreso do interesado á Administración para incluír e facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo goberno, co artigo 8 da Lei 9/2013, do 9 de decembro (BOE do 10 de decembro), de transparencia, acceso á información pública e bo goberno, e co Decreto 126/2006, do 20 de xullo, polo que se regula o Rexistro de Convenios da Xunta de Galicia.

Décimo terceira. Este convenio de colaboración posúe carácter administrativo por razón do contido e das materias sobre as que versa, as cales, ao abeiro do disposto no artigo 4.1 e 2 do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público, o exclúen do seu ámbito de aplicación, sen prexuízo da aplicación dos principios desta para resolver as lagoas ou dúbidas que a súa aplicación suscite.

Dada a natureza administrativa deste instrumento xurídico, as controversias ou cuestións litixiosas que xurdiren na súa aplicación e non puideren ser solucionadas no seo da comisión de seguimento serán resoltas pola xurisdición contencioso-administrativa.

De conformidade co disposto na Lei orgánica 15/1999, do 13 de decembro, de protección de datos de carácter persoal, e co Real decreto 1720/2007, do 21 de decembro, polo que se aproba o regulamento que desenvolve a citada lei orgánica, nin o alumnado nin a empresa que por razón das actividades formativas teñan acceso a datos de carácter persoal disporán destes con finalidade distinta á exixida polas accións formativas.

Lido este convenio, atópano conforme e asínano no lugar e na data indicados.

**O conselleiro de Cultura, Educación
e Ordenación Universitaria**

Asdo.: Román Rodríguez González

**O administrador solidario da sociedade
mercantil
“Construcciones Tellao, SL”**

**O administrador da empresa
“Manuel Santos Gómez “**

Asdo.:

**O administrador da sociedade
“Obras y reformas Construmen, SL”**

Asdo.:

**A administradora da entidade
“Obras y reformas Lugo, SL”**

Asdo.:

**O representante da compañía mercantil
“Odegál, SL”**

Asdo.:

**O administrador da sociedade
“Oltaya Lugo, SL”**

Asdo.:

Asdo.:



**XUNTA
DE GALICIA**

A administrador da empresa

O administrador da empresa

Asdo.:

Asdo.:

O administrador da sociedade

A administradora da sociedade

“Reforma Noroeste C.B”

“Reformas y Sistemas de Galicia, SL”

Asdo.:

Asdo.:

O representante da empresa

O administrador da entidade

“Unkia, SL”

Asdo.:

Asdo.:



1. ANEXO

1.1 Distribución de postos de formación por empresa e por ciclo de formación profesional básica

Empresa	Nº prazas
Construcciones Tellao SL	1
Manuel Santos Gómez	1
Obras y reformas Construmen SL	1
Obras y reformas Lugo SL	1
Odegal SL	1
Oltaya Lugo SL	1
Óscar Piñeiro López	1
Reformas José Antonio	1
Reformas Noroeste CB	1
Reformas y Sistemas de Galicia SL	1
Rubén López Barreiro	1
Unkia SL	1
TOTAL	12

1.2 Distribución da formación curricular do ciclo formativo

			Curso 16-17	Curso 17-18	Curso 18-19	FCT + Proxecto
Formación curricular	Centro educativo	Formación centro educativo (53 %)	403 h	368 h	282 h	-
	Empresa	Formación en empresa (47 %)	104 h	277 h	156 h	410 h
		Total	2.000 h			



1.3 Temporalización dos módulos profesionais

1.3.1 Curso 2016-2017

1.3.1.1 Planificación

Curso 2016 - 2017												
Set.	Out.	Nov.	Dec.	Xan.	Feb.	Mar.	Abr.	Maio	Xuño	Xullo	Ago.	Set.
	Formación no centro educativo			Actividade profesionalizadora / formación na empresa								

1.3.1.2 Organización dos módulos profesionais

Código módulo	Nome módulo	Horas totais módulo	FCE	FEM
MP0995	Construción	133	133	0
MP0996	Interpretación de planos de construción.	107	107	0
MP0997	Fábricas.	160	56	104
MP1006	Formación e orientación laboral.	107	107	0
TOTAL		507	403	104

1.3.2 Curso 2017-2018

1.3.2.1 Planificación

Curso 2017 - 2018												
Set.	Out.	Nov.	Dec.	Xan.	Feb.	Mar.	Abr.	Maio	Xuño	Xullo	Ago.	Set.
	Formación no centro educativo			Actividade profesionalizadora / formación na empresa								

1.3.2.2 Organización dos módulos profesionais

Código módulo	Nome módulo	Horas totais módulo	FCE	FEM
MP0998	Revestimentos.	160	56	104
MP0999	Encofrados.	160	81	79
MP1000	Formigón armado.	133	82	51
MP1001	Organización de traballos de construción.	87	87	0
MP1002	Obras de urbanización.	105	62	43
TOTAL		645	368	277



1.3.3 Curso 2018-2019

1.3.3.1 Planificación

Curso 2018 - 2019												
Set.	Out.	Nov.	Dec.	Xan.	Feb.	Mar.	Abr.	Maio	Xuño	Xullo	Ago.	Set.
Formación no centro educativo				Actividade profesionalizadora / formación na empresa								

1.3.3.2 Organización dos módulos profesionais

Código módulo	Nome módulo	Horas totais módulo	FCE	FEM
MP1003	Solados, azulexados e chapados.	192	116	76
MP1004	Cubricións.	140	87	53
MP1005	Impermeabilizacións e illamentos.	53	26	27
MP1343	Empresa e iniciativa emprendedora.	53	53	0
TOTAL		438	282	156



1.4 Adquisición, por parte do alumnado, de cualificacións e unidades de competencia

Cualificacións profesionais completas

■ Fábricas de albanelaría, EOC052_2 (Real decreto 295/2004, do 20 de febreiro, modificado polo Real decreto 872/2007, do 2 de xullo), que abrangue as seguintes unidades de competencia:
– UC0869_1: elaborar pastas, morteiros, adhesivos e formigóns.
– UC0141_2: organizar traballos de albanelaría.
– UC0142_1: construír fábricas para revestir.
– UC0143_2: construír fábricas vistas.
■ Cubricións inclinadas, EOC580_2 (Real decreto 1548/2011, do 31 de outubro), que abrangue as seguintes unidades de competencia:
– UC0869_1: elaborar pastas, morteiros, adhesivos e formigóns.
– UC0870_1: construír vertentes para cubricións.
– UC1908_2: montar estrutura metálica lixeira para cubricións.
– UC1909_2: construír taboleiros e coberturas con chapa conformada, paneis e placas.
– UC1910_2: construír a cobertura con tella e lousa.
– UC1911_2: organizar traballos de cubricións e impermeabilizacións.
– UC1360_2: controlar a nivel básico riscos en construción.
■ Impermeabilización mediante membranas formadas con láminas, EOC582_2 (Real decreto 1548/2011, do 31 de outubro), que abrangue as seguintes unidades de competencia:
– UC0869_1: elaborar pastas, morteiros, adhesivos e formigóns.
– UC1917_2: executar as capas e os elementos do sistema de impermeabilización complementarios da membrana.
– UC1918_2: impermeabilizar con membranas bituminosas.
– UC1919_2: impermeabilizar con membranas sintéticas.
– UC1911_2: organizar traballos de cubricións e impermeabilizacións.
– UC1360_2: controlar a nivel básico riscos en construción.
■ Pavimentos e albanelaría de urbanización, EOC586_2 (Real decreto 1548/2011, do 31 de outubro) que abrangue as seguintes unidades de competencia:
– UC0869_1: elaborar pastas, morteiros, adhesivos e formigóns.
– UC1321_1: pavimentar con formigón impreso e lastrados.
– UC1929_2: executar pavimentos de urbanización.
– UC1930_2: executar elementos complementarios de pavimentos de urbanización.
– UC1931_2: tender tubos de saneamento e construír rexistros e cámaras.



- | |
|---|
| – UC1932_2: organizar traballos de albanelaría de urbanización. |
| – UC1360_2: controlar a nivel básico riscos en construción. |

Cualificacións profesionais incompletas

▪ Armaduras pasivas para formigón, EOC579_2 (Real decreto 1548/2011, do 31 de outubro):
– UC1905_2: realizar a armaxe manual e a colocación en obra de armaduras.
▪ Encofrados, EOC581_2 (Real decreto 1548/2011, do 31 de outubro):
– UC1912_2: pór en obra encofrados verticais.
– UC1913_2: pór en obra encofrados horizontais.
▪ Revestimentos con pastas e morteiros en construción, EOC589_2 (Real decreto 1548/2011, do 31 de outubro):
– UC1942_2: executar azulexados e chapados.
– UC1943_2: executar solados con pezas rixidas.
▪ Revestimentos con pastas e morteiros en construción, EOC589_2 (Real decreto 1548/2011, do 31 de outubro):
– UC1938_2: executar recrecidos planos para revestimento en construción.
▪ Colocación de pedra natural, IEX427_2 (Real decreto 1956/2009, do 18 de decembro):
– UC1375_2: colocar cachotaría, cantaría e perpiaño.